

## ხელშეკრულება N2

ერთი მხრივ, სსიპ ჭიათურის მუნიციპალიტეტის სოფ. ტყემლოვანის საჯარო სკოლა, შემდგომში „შემსყიდველი“, წარმოდგენილი დირექტორის მ/შ რუსუდან ბიწაძის სახით და მეორე მხრივ, შპს „ეტალონი-განათლება“, შემდგომში „მიმწოდებელი“, წარმოდგენილი დირექტორის თამარ ტყემელაშვილის სახით, ვდებთ წინამდებარე ხელშეკრულებას შემდეგზე;

### 1. ხელშეკრულების საგანი

- 1.1 წინამდებარე ხელშეკრულების საგანია 2023 წლის იანვრიდან 2023 წლის 31 დეკემბრის ჩათვლით საინფორმაციო სფეროში მომსახურების გაწევა, კერძოდ საინფორმაციო სააგენტო [www.Etaloni.ge](http://www.Etaloni.ge)-ს მიერ შემსყიდველის საქმიანობასთან დაკავშირებული მომსახურება;
- 1.2. საიტზე [www.Etaloni.ge](http://www.Etaloni.ge) შემსყიდველის სიახლეების - მათ შორის სწავლების (დასწრებითი, დისტანციური ან/და ჰიბრიდული მოდელით), ღონისძიებების, შეხვედრების, კონფერენციების, ინტერვიუების, ონლაინ და დისტანციური აქტივობების, მოსწავლეებისა და სასკოლო საზოგადოების მიღწევებისა თუ წარმატებების და სხვა - გაშუქება, როგორც წინმსწრები, ასევე შემდგომი ინფორმაცია (შემსყიდველის მიერ მოწოდებული ინფორმაცია და ფოტო-ვიდეო მასალა) ხელშეკრულების მოქმედების პერიოდში - განუსაზღვრელი რაოდენობით;
- 1.3. შემსყიდველის საქმიანობასთან დაკავშირებულ მნიშვნელოვან თემებზე ინტერვიუების და კომენტარების მომზადება და საიტზე [www.Etaloni.ge](http://www.Etaloni.ge) განთავსება (მიმწოდებელთან წინასწარი შეთანხმებით), ხელშეკრულების მოქმედების პერიოდის განმავლობაში არაუმეტეს 12 (თორმეტი) ერთეულისა;
- 1.4. „შემსყიდველის“ თითოეული მოსწავლისთვის ინოვაციური საგანმანათლებლო ონლაინ პლატფორმა [www.izrune.ge](http://www.izrune.ge)-ს საბაზო პაკეტით სარგებლობის შესაძლებლობა, განსაკუთრებული პირობებით;
- 1.5. აღნიშნული მომსახურების ღირებულებას შემსყიდველი აანაზღაურებს იმ მოცულობით და პირობებით, რაც მოცემულია აღნიშნულ ხელშეკრულებაში;
- 1.6. კლასიფიკატორის (CPV) კოდი 92400000

### 2. ხელშეკრულების ღირებულება

- 2.1. ხელშეკრულების ღირებულება განისაზღვრება 276.00 (ორას სამოცდათექვსმეტი) ლარით.
- 2.2. ხელშეკრულების ღირებულება მოიცავს როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

### 3. ანგარიშსწორების ფორმა და ვადები

- 3.1. მიმწოდებელთან ანგარიშსწორება ხდება უნაღდო ანგარიშსწორებით ეროვნულ ვალუტაში, მიმწოდებლის მიერ ხელშეკრულებაში მითითებულ საბანკო ანგარიშზე.
- 3.2. ხელშეკრულების ღირებულება იყოფა სამ ნაწილად:
  - 3.2.1. პირველი ნაწილი - 81 (ოთხმოცდაერთი) ლარი;
  - 3.2.2. მეორე ნაწილი - 92 (ოთხმოცდათორმეტი) ლარი;
  - 3.2.3. მესამე ნაწილი - 103 (ას სამი) ლარი.
- 3.3. ხელშეკრულების მომსახურება მოიცავს შემდეგ პერიოდებს:

- 3.3.1. ხელშეკრულების პირველი ნაწილი მოიცავს მომსახურების პერიოდს ხელმოწერის დღიდან 2023 წლის 18 აპრილის ჩათვლით;
- 3.3.2. ხელშეკრულების მეორე ნაწილი მოიცავს მომსახურების პერიოდს 2023 წლის 19 აპრილიდან 2023 წლის 21 აგვისტოს ჩათვლით;
- 3.3.3. ხელშეკრულების მესამე ნაწილი მოიცავს მომსახურების პერიოდს 2023 წლის 22 აგვისტოდან 2023 წლის 31 დეკემბრის ჩათვლით.
- 3.4. „შემსყიდველისთვის“ ელექტრონული სახით მიწოდებული იქნება შესაბამისი პერიოდის მიღება-ჩაბარების აქტი:
- 3.4.1 პირველი პერიოდის მიღება-ჩაბარების აქტი - 2023 წლის 19 აპრილიდან;
- 3.4.2. მეორე პერიოდის მიღება-ჩაბარების აქტი - 2023 წლის 22 აგვისტოდან;
- 3.4.3. მესამე პერიოდის მიღება-ჩაბარების აქტი - 2023 წლის 15 დეკემბრიდან.
- 3.5. მესამე პერიოდის მომსახურება განხორციელდება ხელშეკრულების შესაბამისად, 2023 წლის 31 დეკემბრის ჩათვლით.
- 3.6. მომსახურების ღირებულების ანაზღაურება მოხდება შემდეგი გრაფიკით:
- 3.6.1. პირველი ნაწილის, 81 (ოთხმოცდაერთი) ლარი, გადახდა მოხდება არაუგვიანეს 2023 წლის 30 აპრილს;
- 3.6.2. მეორე ნაწილის, 92 (ოთხმოცდათორმეტი) ლარი, გადახდა მოხდება არაუგვიანეს 2023 წლის 31 აგვისტოს;
- 3.6.3. მესამე ნაწილის, 103 (ას სამი) ლარი, გადახდა მოხდება არაუგვიანეს 2023 წლის 31 დეკემბერს;
- 3.7. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

#### 4. მხარეთა უფლება-მოვალეობები

- 4.1 მხარეები პასუხს აგებენ ხელშეკრულებით გათვალისწინებული ვალდებულებების შეუსრულებლობისათვის ან არაჯეროვანი შესრულებისათვის საქართველოს მოქმედი კანონმდებლობის შესაბამისად.
- 4.2. ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე მოვალეობათა კეთილსინდისიერი შესრულება.
- 4.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 4.4. შემსყიდველი უფლებამოსილია მოსთხოვოს მიმწოდებელს მომსახურების გაწევა ხელშეკრულებით გათვალისწინებული ვადებისა და პირობების დაცვით.
- 4.5. შემსყიდველი ვალდებულია:
- ა) მიაწოდოს მიმწოდებელს მომსახურების შესასრულებლად საჭირო ყველა სიახლე/ინფორმაცია იმ ვადებში, რაც საშუალებას იძლევა შესრულებულ იქნას მომსახურება;
  - ბ) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
  - გ) მოახდინოს მიმწოდებლის ინფორმირება ხელმძღვანელი პირის ან/და ხელშეკრულების მომსახურების შესრულებაში ჩართული ნებისმიერი პირ(ებ)ის, ასევე სტრუქტურული თუ სხვა სახის ცვლილებების შესახებ, რასაც შესაძლოა გავლენა ჰქონდეს ხელშეკრულების შესრულებაზე.
- 4.6. მიმწოდებელს უფლება აქვს:
- ა) მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით;

ბ) შემსყიდველის მიერ მიწოდებული ინფორმაციის საიტზე განთავსებამდე მოახდინოს ტექსტის (მათ შორის სათაურის) კორექტირება ან/და რედაქტირება;

გ) არ განათავსოს ვებ-გვერდზე შემსყიდველის მიერ მიწოდებული ინფორმაცია, რომელიც შეიცავს არაკორექტულ, არაეთიკურ, ან/და შეურაცხმყოფელ ინფორმაციას; იქნება მცდარი ან დაარღვევს მესამე პირის უფლებებს.

დ) თემის აქტუალურობიდან ან/და სარედაქციო შეხედულებიდან გამომდინარე წინასწარი შეთანხმების გარეშე მოამზადოს და განათავსოს შემსყიდველთან, მის საქმიანობასთან ან/და მასთან დაკავშირებულ ნებისმიერ თემაზე ან/და დასაქმებულ ნებისმიერ პირთან დაკავშირებული მასალა/ინფორმაცია.

ე) აღებული ვალდებულებების შესრულების მიზნით გააფორმოს ხელშეკრულება მესამე პირებთან.

4.7. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა;

ბ) გააფრთხილოს შემსყიდველი, როდესაც არსებობს მისგან დამოუკიდებელი გარემოება, რომელიც საფრთხეს უქმნის მომსახურების გაწევის შესრულებას;

4.8. ხელშეკრულებით გათვალისწინებული მომსახურების შესასრულებლად საჭირო ყველა სახის მასალის (სიახლე/ინფორმაცია, ფოტო-ვიდეო მასალა) მიწოდებაზე ცალსახა და სრული პასუხისმგებლობა ეკისრება შემსყიდველს. მასალის მიუწოდებლობა არ ათავისუფლებს შემსყიდველს ხელშეკრულებით ნაკისრი ვალდებულებების შესრულებისაგან.

4.9. შემსყიდველის მიერ მიმწოდებლისათვის მიწოდებული სიახლე/ინფორმაცია ან/და მასალა არ უნდა იყოს დატვირთული მესამე პირ(ებ)ის უფლებებით.

4.10. მოიპოვოს ყველა საჭირო თანხმობა და ნებართვა იმ პირებისგან, რომელთა თანხმობაც ხელშეკრულებით გათვალისწინებული მასალის გამოქვეყნებისთვის აუცილებელ წინაპირობას წარმოადგენს.

## 5. მხარეთა პასუხისმგებლობა ხელშეკრულების პირობების დარღვევისას

5.1 თუ მომწოდებელი ან შემსყიდველი არ ასრულებს ხელშეკრულებით გათვალისწინებულ ვალდებულებებს, მეორე მხარე მას წერილობითი ფორმით აფრთხილებს დაიცვას ხელშეკრულების პირობები.

5.2 ვალდებულების კვლავ შეუსრულებლობის შემთხვევაში შემსყიდველს ან მიმწოდებელს უფლება აქვს განიხილოს ხელშეკრულების ვადამდე შეწყვეტის საკითხი.

5.3 ხელშეკრულებაში ცვლილების შეტანის, ან ვადაზე ადრე შეწყვეტის შესახებ მხარემ უნდა მიმართოს წერილობით მეორე მხარეს მინიმუმ ორი კვირით ადრე.

5.4. ხელშეკრულება მხარეთა შორის შეწყვეტილად ითვლება რომელიმე მხარის მიერ მეორე მხარისათვის წერილობითი მიმართვის თარიღიდან 14 კალენდარული დღის შემდგომ.

5.5. ხელშეკრულების ვადამდე შეწყვეტის შესახებ წერილობითი მიმართვის შემთხვევაში ხელშეკრულებით გათვალისწინებული მომსახურება ან/და ანაზღაურება უნდა განხორციელდეს ხელშეკრულების შეწყვეტის თარიღის ჩათვლით.

5.6. ხელშეკრულების ვადაზე ადრე შეწყვეტა არ ათავისუფლებს მხარეებს ხელშეკრულებით ნაკისრი ან/და კანონმდებლობით დადგენილი ვალდებულებების სრულად და ჯეროვნად შესრულებისაგან.

## 6. ხელშეკრულების მოქმედების ვადა

6.1. ხელშეკრულება ძალაში შედის მისი ხელმოწერის დღიდან და მოქმედებს 2024 წლის 31 იანვრის ჩათვლით, მხარეთა მიერ ნაკისრი ვალდებულებების სრულად შესრულებამდე.

6.2. მხარეები ვალდებული არიან ხელშეკრულების ვადის გასვლის შემდეგაც შეასრულონ თავიანთი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

## **7. ხელშეკრულების პირობების გადასინჯვა**

7.1 ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ან იკლებს ხელშეკრულებაში დაფიქსირებული ფასები და უარესდება ხელშეკრულების პირობები შემსყიდველი ან მიმწოდებელი ორგანიზაციისათვის. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

## **8. ფორს-მაჟორი**

8.1 მხარეები არ არიან პასუხისმგებელი თავიანთ ვალდებულებათა სრულად ან ნაწილობრივ შესრულებაზე, თუ ეს შესრულება გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალოდ ზემოქმედებას ახდენენ ხელშეკრულების შესრულებაზე.

8.2 ფორს-მაჟორული პირობების დადგენა დამტკიცებული უნდა იქნას დადგენილი წესით.

## **9. დავები და მათი გადაწყვეტის წესი**

9.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

## **10. კონფიდენციალურობა**

10.1. მხარეები ვალდებული არიან, როგორც ხელშეკრულების მოქმედების ვადაში, ასევე სახელშეკრულებო ურთიერთობის დასრულების შემდეგაც, არ გაამჟღავნონ ან/და მესამე პირ(ებ)ს არ გადასცენ კონფიდენციალური ინფორმაცია.

10.2. კონფიდენციალურ ინფორმაციას არ განეკუთვნება: (ა) ინფორმაცია რომელიც კანონმდებლობის საფუძველზე შესაძლებელია გახდეს საჯარო; (ბ) ინფორმაცია, რომლის გამჟღავნების თაობაზეც არსებობს კონფიდენციალური ინფორმაციის მესაკუთრე მხარის წინასწარი წერილობითი თანხმობა ან/და მხარეთა შეთანხმება; (გ) ინფორმაცია, რომლის გამჟღავნებაც განხორციელდება, კანონმდებლობით გათვალისწინებულ შემთხვევებში, მათ შორის მესამე პირ(ებ)ის კანონიერი მოთხოვნის დაკმაყოფილების შედეგად.

## **11. სხვა პირობები**

11.1. ხელშეკრულებაში დაფიქსირებული ელ. ფოსტა მხარეებისთვის წარმოადგენს ოფიციალური მიმწოდებლის და ინფორმაციის მიწოდების ელექტრონულ მისამართს.

11.2. მიმწოდებელი არ არის პასუხისმგებელი შემსყიდველის მიერ მოწოდებული მასალის შინაარსზე, სრული მასალის ან/და მისი რომელიმე ნაწილის სინამდვილეზე, სისწორეზე, გონივრულობაზე, სანდოობაზე ან სისრულეზე.

11.3. მიმწოდებელი მოქმედებს თავისუფალი მასმედიის პრინციპებით და ემსახურება საგანმანათლებლო-შემეცნებით სფეროს, სასკოლო და საგანმანათლებლო ცხოვრებისა და

აქტივობების გააქტიურება-პოპულარიზაციას და განვითარების ხელშეწყობას. ვებ-გვერდი ხელმძღვანელობს აზრის თავისუფალი გამოხატვის პრინციპით, რაც გულისხმობს: ცენზურის დაუშვებლობას, მედიის სარედაქციო დამოუკიდებლობასა და პლურალიზმს, ჟურნალისტიკის უფლებას, ინფორმაციის წყაროს საიდუმლოობის დაცვასა და დამოუკიდებელი სარედაქციო გადაწყვეტილებების მიღებას.

11.4. ამ ხელშეკრულებით გაუთვალისწინებელი საკითხები რეგულირდება საქართველოს კანონმდებლობით.

11.5. მხარეებისთვის ხელშეკრულება შედგენილია თანაბარი იურიდიული ძალის მქონე ელექტრონული დოკუმენტის სახით ქართულ ენაზე, რაც წარმოადგენს ხელშეკრულების ორიგინალს. ხელშეკრულებასთან დაკავშირებული ნებისმიერი მიმოწერა ან/და დამატება შესრულებული უნდა იყოს ქართულ ენაზე.

11.6. წინამდებარე ხელშეკრულების ნებისმიერი ცვლილება ან დამატება ძალაში შევა მხოლოდ მას შემდეგ, რაც ის წერილობითი ფორმით იქნება შედგენილი, ხელშეკრულების დანართის სახით და ხელმოწერილი ორივე მხარის მიერ.

11.7. წინამდებარე ხელშეკრულების ყველა დანართი წარმოადგენს ხელშეკრულების განუყოფელ ნაწილს.

## 11. მხარეთა რეკვიზიტები

### შემსყიდველი

სსიპ ჭიათურის მუნიციპალიტეტის  
სოფელ ტყემლოვანის საჯარო სკოლა  
ს/კ 2015606592  
ელ. ფოსტა: tkemlovani@mes.gov.ge  
მისამართი: ქალაქი ჭიათურა  
სოფელი ტყემლოვანა

დირექტორის მ/შ:

/-----/

### მიმწოდებელი

შპს „ეტალონი-განათლება“  
ს/კ 404561979  
ელ. ფოსტა: etaloniganatleba@etaloni.ge  
ფაქტიური მისამართი: თბილისი, წერეთლის  
გამზირი N116, დიდუბე პლაზა, ოფისი N203  
ბანკი: ს.ს. „თიბისი ბანკი“  
ბანკის კოდი: TBCBGE22  
ა/ა GE82TB7994636080100007

დირექტორი

/თ. ტყემელაშვილი/